



Inatsisartunut ilaasortaq Olga P. Berthelsen
Inuit Ataqtigiit

Pineqartoq: Naalakkersuisunut apeqquteqaat:

**1. Nuup Kommuniani utoqqalinersiutilinnut kukkusumik
tapiissuteqartitsisarsimanerit, maanna utoqqarnut
tuttussanngortinneqarnerat Nuup Kommunია inatsisitigut
tunngavissaqarpa?**

**2. Nuup Kommuniata kukkusumik tapiissuteqartitsisarsimanerata
uteqqinneqannginnissaanut tunngatillugu kikkut nakkutilliisussaa-
titaappat. Nakkutilliisussaataa nermit Naalakkersuisut qanoq
inissisimappat?**

Inatsisartut suleriaasianni § 36 imm. 1. naapertorlugu qulaani pineqartoq
apeqquteqaatigaat.

**Apeqqummut siullermut tunngatillugu inatsisitigut tunngavigisaq pillugu
manna ilisimatitsissutigineqassaaq:**

1982-imi utoqqalinersialinnut pisariaqartitsisoqarneranik immikkut nalilersuinikkut
inummut tapinik tunniussinissamut inatsisitigut tunngavissaqarpoq. Kommunini
aralalinni utoqqalinersiallip qanoq annertutigisumik inummut tapeqarnissaanut
nalilersuinermi aningaasat tigusartakkat naatsorsorneri aallaavittut atorneqartarput.
Kommunit ataasiakkaat aningaasat tigusartakkat qanoq annertutiginissaannut
nalilersuinerminni assigiinngitsunik periuseqartarput. Utoqqalinersialinnut
aalajangersimasumik inummut tapeqartitsinissamut inatsisitigut toqqaannartumik
tunngavissaqarnikuunngilaq.

Utoqqalinersialinnut siusinaartumillu pensionisialinnut inatsisit nutaat 2007-imi julip
aallaqqaataani atuutilersinneqarput, tassanilu siusinaartumik pensionisialinnut
inummut tapeqartitsinermut aalajangersakkat allannguuteqartinneqanngillat,
utoqqalinersialinnulli aalajangersakkat allannguuteqartinneqarlutik.

Utoqqalinersiallit pillugit Inatsisartut peqqussutaat nutaaq atuutilersinneqarmat
aningaasartuutissat aalajangersimasat peereerlugit utoqqalinersiallip aningaasat
tigusartagaasa nalingata minnerpaaffissaanik kommunimit aalajangersarneqartoq
atuutilersinneqarpoq. Aammattaaq utoqqalinersiallit inummut tapeqarnissaminnut
periarfissaqarnerat atuutiinnarpoq, tamanna aningaasaqarniarnikkut atugarisatigut
ajornatoormik peqquteqarpat, imaluunniit utoqqalinersiallip aningaasaqarnera
ima ajorseriartigisimappat, allaat utoqqalinersiallip aningaasaqarniarnikkut
atugaanik annertuumik tamanna ajorseriartitsissalluni.

16.12.2008
J.nr. 01.20/2008

Postboks 260
3900 Nuuk
Oq/tel +299 34 50 00
Fax +299 32 55 05
ipn@gh.gl
www.nanoq.gl/ipn

Apeqquutip aappaanut tunngatillugu manna ilisimatitsissutigineqassaaq:

Isumaginnittoqarfiup aqunneqarnera aaqjissuussaanelu pillugit Inatsisartut peqqussutaat nr. 11, 12. november 2001-imeersoq naapertorlugu - kommunit isumaginninnikkut malittarisassanik aqutsinerannut Naalakkersuisut nakkutilliisuupput tassunga ilanngullugu siusinaartumik pensionisialinnut inatsimmik atuutsitsinermut. Isumaginninnermut tunngasunik nakkutilliineq pillugu Namminersornerullutik Oqartussat nalunaarutaani nr. 6, 16. februar 2006-imeersumi erseqqinnerusunik aalajangersagaqarpoq.

Kommunit inummut tapinik aalajangersaasimagaangata aningaasat tigusartakkat kommunip nalilersuisimanera aallaavigalugu isumaginninnikkut / ilaqtariinnermut tunngasunut oqartussaasoqarfimmit tamanna isornartorsiorneqarsimassagaluarpoq, pisariaqarfiisigulli kommunit ataasiakkaatut nalilersuisarparta tamanna akuerineqartarluni.

Inummut tapinik aningaasallu tigusartakkanut nalilersuerialaatsit pillugit kommunit isornartorsiorneqarput, inummulli tapit tunniunneqartartut utoqqalinersialinnut iluaqutaasimammata, isumaginninnikkut / ilaqtariinnermut tunngasunut oqartussaasoqarfiup kommunit periusaat akuersaarsimavaa.

Inussiarnersumik inuulluaqqusillunga

Naja Petersen